

ATURAN-ATURAN BAGI MENJALANKAN AKTIVITI INSURAN

KOPERASI JIMAT CERMAT DAN PINJAMAN MERCANTILE BHD
ATURAN-ATURAN BAGI MENJALANKAN AKTIVITI INSURAN

1. TAJUK

- 1.1 Aturan-Aturan ini adalah dinamakan “Aturan-Aturan Bagi Menjalankan Aktiviti Insuran”.
- 1.2 Aturan-Aturan ini diwujudkan di bawah Undang-undang Kecil 8(3) dan dikuatkuasakan selepas diluluskan oleh mesyuarat agung perwakilan.

2. TUJUAN

Tujuan Aturan-Aturan diwujudkan ialah untuk:-

- 2.1 Membolehkan semua anggota mendapatkan khidmat insuran melalui skim ini.
- 2.2 Mengawal dan menjalankan skim insuran ini dengan sempurna.
- 2.3 Mendapatkan wang untuk mengesah dan menjalankan skim insuran ini.

3. TAFSIRAN

Di dalam Aturan-Aturan ini, melainkan jika konteksnya menghendaki makna yang lain:-

“Akta” maknanya Akta Koperasi 1993 dan pindaan-pindaan yang dibuat kepadanya dari semasa ke semasa;

“anggota” ertinya seseorang yang telah diterima menjadi anggota Koperasi ini dan yang telah memenuhi kehendak Undang-undang Kecil 15 (1);

“Aturan” ertinya sesuatu peruntukan dalam Aturan-Aturan;

“Aturan-Aturan” ertinya “Aturan-Aturan Bagi Menjalankan Aktiviti Insurans Koperasi Jimat Cermat dan Pinjaman Mercantile Berhad” ini dan pindaan-pindaan yang dibuat kepadanya dari semasa ke semasa;

“Koperasi” atau “Koperasi ini” ertinya Koperasi Jimat Cermat dan Pinjaman Mercantile Berhad;

“Lembaga” ertinya badan pengelola Koperasi ini yang padanya pengurusan hal-ehwal Koperasi ini diamanahkan sebagaimana yang ditakrifkan di bawah seksyen 2 Akta, dan dibentuk menurut Undang-undang Kecil 35(1) serta tertakluk kepada Undang-Undang Kecil 33 dan 37.

“mesyuarat agung perwakilan” ertinya mesyuarat agung perwakilan tahunan atau mesyuarat agung perwakilan khas Koperasi ini seperti diperuntukan dalam Undang-undang Kecil 24;

“Undang-undang Kecil” ertinya Undang-undang Kecil Koperasi ini dan termasuklah sebarang pindaan berdaftar kepadanya;

Perkataan-perkataan yang bererti tunggal atau jamak, masing-masing hendaklah meliputi tunggal atau jamak, dan perkataan yang bererti jenis lelaki hendaklah meliputi jenis perempuan.

4. KELAYAKAN

Semua anggota adalah layak mendapat khidmat melalui skim ini.

5. JENIS PERKHIDMATAN

Jenis perlindungan Insuran yang ditawarkan adalah Insuran Am (termasuk Insuran Kereta Motor, Kebakaran, Perlindungan Pekerja dan lain-lain).

Memberikan diskaun khas kepada anggota yang menyertai skim ini pada kadar yang dipersetujui oleh Lembaga.

6. PENGENDALIAN

Lembaga hendaklah melantik kakitangan bagi menguruskan aktiviti ini. Kakitangan hendaklah bertanggungjawab kepada Lembaga bagi:

- 6.1 Memeriksa bil-bil dan lain-lain dokumen serta mengesahkan keselamatan barang-barang itu.
- 6.2 Mencadangkan projek atau lain-lain rancangan bersabit dengan insuran dan menguatkuasakannya setelah dipersetujui oleh Lembaga.
- 6.3 Menentukan semua buku-buku akaun, daftar-daftar, Nota Perlindungan Insuran (Cover Note) diselenggara dan kemaskini setiap waktu.
- 6.4 Menjalankan lain-lain tugas seperti yang diarahkan oleh Lembaga.

*Pindaan
MAPT250606*

7. PENGENDALIAN

Mesyuarat agung perwakilan boleh, dari masa ke semasa, atas perakuan Lembaga atau cadangan bertulis perwakilan yang telah terlebih dahulu dimasukkan dalam agendanya untuk meminda Aturan-Aturan ini.